

Headline	Buka kaunter zakat tepi jalan		
MediaTitle	Sinar Harian		
Date	30 May 2018	Color	Full Color
Section	Selangor & KL	Circulation	160,000
Page No	21	Readership	509,000
Language	Malay	ArticleSize	272 cm ²
Journalist	N/A	AdValue	RM 4,640
Frequency	Daily	PR Value	RM 13,919



Buka kaunter zakat tepi jalan

Mat Yahya anggap situasi lebih santai, terbuka

KUANTAN

Kelibat warga emas yang bertugas sebagai amil zakat di tepi jalan utama di Taman Seri Inderapura setiap kali Ramadan pasti tidak asing lagi kepada penduduk di situ.

Bagi Mat Yahya Aziz, 61,

yang sudah telah 14 tahun menjalankan tugas berkenaan, dia membuat keputusan menerima zakat fitrah di tepi jalan bagi memudahkan umat Islam menunaikan tanggungjawab itu.

"Saya anggap situasi ini lebih santai dan terbuka.

"Lebih penting cara yang saya digunakan itu diterima dengan baik oleh umat Islam setempat apabila mereka dengan mudah singgah untuk menunaikan tanggungjawab membayar zakat fitrah," katanya.

Mat Yahya yang turut menetap di kawasan perumahan

itu berkata, setiap tahun terdapat lapan hingga sembilan ribu individu yang membayar zakat fitrah membabitkan penduduk setempat dan luar Pahang.

"Saya berada di tepi jalan bermula sembilan pagi hingga tujuh malam dan pembayar zakat fitrah lebih ramai singgah pada waktu petang.

"Majlis Agama Islam dan Adat Resam Melayu Pahang (Muip) tidak pernah melarangnya menjadikan kawasan tepi jalan sebagai tempat memungut zakat fitrah," katanya.

info

14 tahun bertugas sebagai amil zakat tepi jalan

Rakannya, Abdul Rahim Omar, 75, berkata, berada di tepi jalan memberi peluang dia bertemu dan melihat lebih dekat masyarakat setempat menjalankan aktiviti di bazar Ramadan, pasar malam dan pasar tani.

"Walaupun cuaca panas, ia tidak menghalang saya dan Mat Yahya menjalankan tanggungjawab," katanya.



Mat Yahya (kanan) menerima zakat fitrah dari Mohd Izad Haikal di tepi jalan utama perumahan Taman Seri Inderapura.